

Per lu pane d'ogni ghjornu Cunsacratu in le to mani Eiu credu

Per lu vinu d'ogni ghjornu Benedettu in le to mani Eiu credu

Per quellu chì ghjè luntanu È s'avvicina di tè Eiu credu

Per quellu chì chjama in vanu È si ricunnosce in tè Eiu credu

Per la terra disperata Chì cerca la to lumera Eiu credu

Per la mamma dulurata Chì canta la so preghera Eiu credu

Per lu zitellu chì nasce In l'erba di a fratellenza Eiu credu

Per l'agnellucciu chì pasce In lu pratu di sperenze Eiu credu

Per l'acqua di le fontane Chì ci lava d'ogni male Eiu credu

Per lu chjoccu di e campane Musica universale Eiu credu

Per li poveri di u mondu Chì a miseria adunisce Eiu credu

Per lu dolore prufundu Di a vita chì finisce Eiu credu